



Fylkesmannen i
Hordaland

Løyve til oppgraving av sjøsediment i Kjevika Lindås kommune, NGIR

Fylkesmannen gjev NGIR løyve til oppgraving av sjøsediment med heimel i forureiningslova § 11. Løyvet er gjeven på grunnlag av opplysningar i søknad av 8. oktober 2018 og opplysningar som kom fram under handsaming av søknaden.

Dersom verksemda ønskjer endringar utover det som vart opplyst i søknaden eller under sakshandsaminga og som kan ha miljømessig verknad, må verksemda på førehand avklare dette skriftleg med Fylkesmannen.

Dersom heile eller vesentlege delar av løyvet ikkje er teke i bruk innan to år, skal verksemda sende ei melding til Fylkesmannen. Fylkesmannen vil då vurdere eventuelle endringar i løyvet.

Fylkesmannens referanse

Løyvenummer	Anleggsnummer
2018.0868.T	1263.0141.01

Verksemdsdata

Verksemd	NGIR
Postadresse	Lindåsvegen 1260, 5956 Hundvin
Kommune og fylke	Lindås, Hordaland
Org.nummer / eigd av	974702568 / 856167402

Løyvet gitt: 9. oktober 2018	
Ingrid Torsnes senioringeniør	Magne Nesse senioringeniør
<i>Løyvet er godkjent elektronisk og har derfor inga underskrift</i>	

1. Kva løyvet gjeld

1.1 Omfang

Løyvet gjeld oppgraving av inntil 2 500 m³ moderat forureina sediment i sjø på om lag 1 100 m² sjøbotn i Kjevika i Lindås kommune.

Tiltaket skal utførast i samsvar med reguleringsplan for Kjevikdalen fyllplass vedtatt av kommunestyret i Lindås kommune 24. september 2015.

2. Generelle vilkår

2.1 Grunnlag for løyvet

Fylkesmannen legg til grunn at tiltaka skal gjennomførast som nemnt i søknad av 8. oktober 2018 med mindre anna er avtala med Fylkesmannen. Fylkesmannen skal varslast når arbeidet vert sett i gong.

2.2 Ansvar

NGIR er ansvarleg for at vilkåra i løyvet vert haldne, og pliktar å sørgje for at dei som skal gjennomføre tiltaka er kjent med dei vilkår som gjeld.

2.3 Plikt til å redusere forureining

All forureining frå verksemda, også utslepp til luft og vatn og dessutan støy og avfall, er isolert sett uønskt. Sjølv om ein held utsleppa innanfor fastsette utsleppsgrenser, pliktar verksemda å redusere utsleppa sine, så langt dette er mogleg utan urimelege kostnader. Plikta gjeld også utslepp av komponentar det ikkje uttrykkjeleg er sett grenser for gjennom vilkår i dette løyvet.

2.4 Endring av løyve

Fylkesmannen kan oppheve eller endre vilkåra i løyvet, setje nye vilkår, og om nødvendig kalle løyvet tilbake, dersom vilkår gitt etter forureiningslova § 18 er til stades. Fylkesmannen har på same grunnlag rett til, på eitkvart tidspunkt, å stoppe tiltaket.

2.5 Kulturminner i sjø

Stiftelsen Bergens Sjøfartsmuseum gjer merksam på at tiltakshavaren pliktar å gje melding til museet dersom ein under arbeid i sjøområda finn skipsvrak, keramikk eller andre marine kulturminne. Dersom kulturminne på sjøbotnen kan bli råka av tiltaket, må arbeidet under vatn straks stoppast. Verksemda må i så fall ikkje takast opp att før museet har undersøkt og eventuelt frigjeve området. Eventuelle brot på desse vilkåra vil være i strid med føresegnene i Lov av 9. juni 1978 nr. 50 om kulturminne.

3. Internkontroll, beredskapsplan og akutt forureining

3.1 Internkontroll

Verksemda plikter å ha internkontroll. Internkontrollen skal sikre og dokumentere at verksemda held krava i løyvet, forureiningslova og relevante forskrifter til lova. Verksemda plikter å halde internkontrollen oppdatert.

Verksemnda plikter alltid å ha oversikt over alle aktivitetar som kan føre til forureining og kunne gjere greie for risiko. På basis av risikoanalyse skal verksemnda iverksette risikoreduserande tiltak.

Verksemnda plikter å sjå til at den som til ein kvar tid transporterer og fyller ut eller på annan måte handterer massar, har internkontroll i tråd med dette vilkåret.

3.2 Beredskapsplan

Verksemnda skal utarbeide beredskapsplan for tiltaket. Ved endra tilhøve skal beredskapsplanen oppdaterast. Beredskapsplanen skal være tilgjengeleg og kjent for dei som utfører arbeid der akutte hendingar, i følge planen, kan oppstå.

3.2 Varsling om akutt forureining

Verksemnda skal varsle akutt forureining eller fare for akutt forureining i samsvar med forskrift om varsling av akutt forureining eller fare for akutt forureining (nødnummer 110).

Verksemnda skal også, så snart som mogeleg, varsle Fylkesmannen i slike fall på fmhopostmottak@fylkesmannen.no

4. Avbøtande tiltak under utfylling

4.1 Miljømål

Utfylling skal ikkje føre til spreiding av forureining eller reine partiklar i ein slik grad at det kan vera skadeleg for miljøet i resipienten eller medføre visuell forureining av sjø eller strender.

4.3 Turbiditetsmålinger

I anleggsperioden skal det målast turbiditet ved minimum ein målestasjon, jamfør Cowinotat datert 1. oktober 2018. Turbiditetsmålinger skal planleggast og utførast i samsvar med standard NS-EN ISO 7027-1 *Bestemmelse av turbiditet*.

Det må dokumenters ein referanseverdi for turbiditet, enten på førehand ved målingar eller med en referansestasjon. Grenseverdien for turbiditet er 10 FTU over referanseverdi for turbiditet.

Ved overskriding av grenseverdien/alarmnivå (10 FTU + bakgrunnsverdi) i meir enn 30 minuttar skal arbeidet stanses. Årsak til alarm skal undersøkast og utbetrast dersom det har samanheng med tiltaket før arbeida kan starte opp igjen.

5. Avfall

Verksemnda plikter, så langt det er mulig utan urimelige kostnader eller ulemper, å unngå at det dannast avfall som følgje av tiltaket. Særlig skal innhaldet av skadelige stoffer i avfallet reduserast mest mogeleg.

Verksemnda plikter å sørgje for at alt avfall, også farlig avfall, vert handtert i samsvar med gjeldande regler for dette fastsatt i eller i medhald av forureiningslova, spesielt avfallsforskrifta.

6. Overvaking og rapportering til Fylkesmannen

6.1 Plan for overvaking

NGIR skal lage ein plan for overvaking av tiltaket. Det skal føres loggbok. Kopi av loggboka skal følge som vedlegg til sluttrapporten

6.2 Rapport frå sluttkontroll

NGIR skal sende rapport til Fylkesmannen innan seks veker etter at tiltaket er gjennomført.

Rapporten skal innehalde:

- Opplysningar om kor store mengder sediment som har blitt grave opp (i m³ eller kilo).
- Plassering av massane
- Oversikt over eventuelle avvik fra løyvet og kva slags korrigerande tiltak som ble satt i verk
- Kopi av loggbok

7. Tilsyn

NGIR plikter å la representantar for forureiningsmynde føre tilsyn med anlegget når som helst.